

Te Raupatu Whenua

Ka mātau te ākongā ki tētahi kaupapa e pā ana ki te raupatu whenua i Aotearoa nei.

[Whāinga Ako](#) | [Te Whakaako me te Ako](#) | [Aromatawai](#) | [Putanga Hei Tā](#)

Kaituhi:	Heeni, Ruakiri, Mark, Ana
Tau:	12
Marau ā-Kura:	Te Wharekura o Rakaumanga TOHU WHENUA: Rangiriri KAUPAPA MOTUHAKA: Raupatu “he whakamaumahara ki ngā tūpuna”
Te Marautanga o Aotearoa:	Tikanga ā-Iwi Taumata 7

Ngā Whāinga Ako

Ka mārāma te ākongā ki ngā take i raupatuhia ai te whenua i Aotearoa nei, me te whai whakaaaro ki ngā tirohanga o tēnā tangata, o tēnā iwi

Ka kōrero mō ngā pānga o te raupatu i te ao hurihuri nei

Whāinga Paetae:

Tikanga ā-iwi

Tikanga ā-Iwi

- 7.1 Ka kawea, ka whakamahia e ngā hapori me ngā whenua o rātou motika i roto i ngā horopaki ā-hapori, ā-whenua, ā-ao hoki
- 7.2 I ētahi wā, nā te rerekē o ngā whakapono me ngā ariā ahurea, ka tutū te puehu, ka puta te mānukanuka.

Hītori

- 7.1 Ko ngā āinga me ngā rōpū o mua i whakaawe i ngā pūtaketanga me ngā otinga o ngā tūāhua o mua e whai tikanga ana ki Aotearoa
- 7.2 He rerekē ngā whakamārama a tēnā iwi, a tēnā iwi, mō ngā tūāhua e whai tikanga ana ki ngā tāngata o Aotearoa

Matawhenua

- 7.1 Ka rerekē haere ngā tauira tūturu, ngā tauira ahurea me ngā tukanga i te takanga o te wā, ā, ka rerekē anō te kōrahi mai i tēnā wāhi, ki tēnā wāhi.
- 7.2 Kua rerekē haere ngā whakaaaro me ngā hononga ki

te taiao tūturu me te taiao ahurea.

Ōhanga

- 7.1 Mā te ōhanga ka mārama ngā take ohaoha o Aotearoa i tēnei wā.
- 7.2 Haere kōtui ai ngā take ohaoha kei Aotearoa nei.

Paerewa Paetae (e hono ana ki ngā WP) **Tikanga ā-Iwi**

[PP 2.1 AS91758](#): Te whakahaere rangahau mō ngā take e hūnuku ai te Māori ki wāhi kē (4wh)

[PP 2.5 AS91762](#): Te whakapuaki whakaaro mō ngā haurahi e whakāturia ai te tuākiri ā-whenua (4wh)

Te Reo Rangatira

[PP 2.10 AS91786](#): Te wetewete i te kaupapa (3wh)

Whakaako

Ngā hononga ki ngā kōrero whaihua [Papa whakaako Tikanga ā-iwi](#)

Ngohe ako 1

Te/ngā putanga ako

He wherawhera i ngā mōhiotanga o ngā ākongā

Ngohe ako 1

He whakawhitiwhiti kōrero

1. Ka whakawhitiwhiti kōrero ngā ākongā/tauirā mō ngā āhuatanga e pā ana ki a Aotearoa, arā, ki tana hītori me te taunahatanga. Ka whakamahia ētahi hanga pēnei nā:
 - [Wordle](#), A - Wh
 - Ōhia manomano
 - Mahere whenua (kōkau), rārangi wā
 - kupu ārahi mō ngā pōkai/taunaha whenua, ture, riri whenua, tāngata rongonui, hui/takunetanga (Kohimārama, Pūkawa)

Ngohe ako 2

Te/ngā putanga ako

Ka mārama te ākongā ki ngā take i raupatuhia ai te whenua i Aotearoa nei, me te whai whakaaaro ki ngā tirohanga o tēnā tangata, o tēnā iwi

Ngohe ako 2

He rūmakina ki ngā kōrero/mōhiohio:

Hei ēnei whakaakoranga te ākongā rumakina ai ki ngā kōrero mō te raupatu. Māu (mā te kaiako) e tātaki ngā mahi hei ako mā ngā ākongā.

Koia ētahi momo mahi whakaako mā te kaiako e mārama haere ai te ākongā:

Ka kōrero mō ngā pānga o te raupatu i te ao hurihuri nei

- Ka whakapuaki whakaaro (te ākongā) mō tētahi kaupapa me te whakaaro ki ngā hunga e whai pānga ki taua kaupapa, pērā i te tuhi reta, rātaka rānei
- Ka whakaari te/ngā ākongā i ngā nekeneke, ngā kōkiri, ngā aha o tētahi riri whenua
- Ka taupatupatu i ngā tirohanga whānui mō te take raupatu
- Ka ākona ngā waiata tawhito
- Ka pānuihia ngā tuhinga tawhito e whai pānga ana.

Tirohia a:

Pae Tukutuku

- [NZ History - New Zealand Internal Wars](#)
- [Te Ara Encyclopaedia - Search term 'Raupatu'](#)
- [NZETC - Search term 'Raupatu'](#)
- [Te Rōpū Whakamana i te Tiriti o Waitangi - Waitangi Tribunal](#)
- [National Library of New Zealand - Search term 'Raupatu'](#)
- [Niupepa: Māori Newspapers](#)
- [FindNZarticles](#)
- [New Zealand Wars](#)

Pukapuka

Boast, R. and Hill, R. S. (eds). 2009. *Raupatu: The Confiscation of Māori Land*. Victoria University Press, Wellington.

Board, T. T. (2011). *Tōku Tūrangawaewae, Our stories celebrating our 90th year*. Ngāruawahia, New Zealand: Tūrangawaewae Trust Board.

Cram, F.(2001). Rangahau Māori: Tona tika, tona pono – the validity and integrity of Māori research. In M. Tolich. (ed). *Research ethics in Aotearoa New Zealand*. (pp. 35-52). Auckland, NZ: Longman Publishing.

Diamond, P. (2003). *A Fire in Your Belly : Māori Leaders Speak*. Wellington: Huia Publishers.

House, T. (1999). *Koroki My King*. Ngāruawahia: Turongo House.

House, T. (2000). *Tawhiao - King or Prophet*.
Ngāruawahia.

House, T. (2000). *Te Arikinui and the Millenium of Waikato*. Ngāruawahia, New Zealand: Tūrongo House.

Te Wharekura o Rakaumanga. (2013). *Te Marautanga o Te Wharekura o Rakaumanga*. Huntly: Te Rūnanga o Rakaumanga.

Waiata

- I tū te Kīngitanga – nā Wiha Te Raki Hawea & John Heremia
- Kāore te pō nei - nā Te Kooti
- Muru Raupatu –nā Timoti Karetu
- Ngata, A. T. (*ed*). *Ngā Mōteatea (me ngā waiata ā-hapū, waiata ā-iwi)*
- Ngā rā o Hune –nā Te Puea Herangi
- Uenuku te Pou –nā Tom Roa rātou ko Tamara Takiari ko Matehaere Clarke

Whitiata

- New Zealand Wars [pakipūmeka] James Belich
- Waka Huia - New Zealand Land Wars [pakipūmeka]
 - Battle of Rangiriri, 28 o Hakihea 2014
 - Battle of Rangiaowhia, 4 o Kohitātea 2015
 - [Battle of Ōrākau](#), 11 o Kohitātea 2015
 - Battle of Gate Pā, 25 o Haratua 2014
- Ward, V. (Director). (2008). *Rain of the Children [Documentary]*. New Zealand: Forward Film.

Me tohu/whiriwhiri e te ākongā tāna e rangahau ai, arā, he tangata, he wāhi, he takunetanga. Māu (mā te kaiako) te ākongā e ārahi ki te whiriwhiri i tana kaupapa.

Ngohe ako 3

Te/ngā putanga ako

Ngohe ako 3

He rangahau: He rangahau i tētahi kaupapa raupatu motuhake

Ka mārama te ākonga ki ngā take i raupatuhia ai te whenua i Aotearoa nei, me te whai whakaaaro ki ngā tirohanga o tēnā tangata, o tēnā iwi

Ka whakamahi te ākonga i ētahi tikanga/huarahi rangahau

Whakaakongia ētahi tukanga rangahau, pērā i te:

- whakatakoto pātai/pakirēhua
- rangahau kaupapa Māori (ka whai i ngā tikanga Māori - *tirohia* www.rangahau.co.nz)
- action research/
- whātoro i ngā kōrero ā-waha, i te ipurangi, i ngā kohinga/puna kōrero (Alexander Turnbull, National Library, ...)
- whakamahi - Google, Boolean operators, tipako, tātari, whakamāori, tuhi/hopu,
- te whakanui/whakamihi i ngā puna kōrero/pūkōrero huhua

Kia mahara: Mā tō aramatawai i ō ākonga anō koe ka mōhio ai he aha koia ngā pūkenga rangahau hei āta whakaako māu, otirā te roa o te wā e whakapauhia ana ki te whakaako.

Mā te ākonga e whiriwhiri tētahi huarahi e rangahau ai ia i tana kaupapa motuhake, haoi, me matapaki tahi kōrua, kātahi anō ka whakatau.

Koia ēnei ko ngā momo taunakitanga mō te rangahau:

- he kupu whakataki (introduction)
- he tātarianga matatuhi (literature review)
- ngā tukanga kohikohi raraunga (research methods)
- he pukapuka rātaka, he tuhinga pitopito kōrero, he whakaipurangi kōrero (blog: video blog)
- kua āta tātarihia ngā kōrero whaitake/hāngai (data analysis)
- he whakatāunga (conclusion)
- he rārangi kōrero (checklist)

Ngohe ako 4

Te/ngā putanga ako

Ka tuitui, ka pūrongo te ākonga i tāna i rangahau ai

Ngohe ako 4

Te tuitui, te pūrongo

1. Mā te ākonga/tauirā e tohu ka pēwhea nei tana pūrongo/whakapuaki mai i tāna i rangahau ai, pērā i te:
 - whitiata, whaituhi, kauhau,
 - whakaaturanga rorohiko: Powerpoint, *Prezi*,
 - whakaari/kiripuaki
 - te pakiwaitara
 - te aha atu, te aha atu
2. Heoi, me **hāngai tonu ngā kōrero ki tana kaupapa rangahau**, arā,
 - me rārangi ētahi o ngā tino take o te raupatu
 - me whakamārama e te ākonga ētahi tirohanga whānui ki te take raupatu

- me kōrero mō ngā pānga o te raupatu i te ao hurihuri nei
3. Me tutuki hoki ēnei āhuatanga:
- me **mārama te reo me (raupapa)** te wairua o ngā kōrero
 - me **hihiko ngā kōrero** kia aro mai ai te hunga whakarongo/pānui/mātakitaki

Aromatawai

Te/ngā ngohe aromatawai
(formative and/or
summative)

Tikanga ā-Iwi

[PP 2.1 AS91758](#): Te whakahaere rangahau mō ngā take e hūnuku ai te Māori ki wāhi kē (4wh)

[PP 2.5 AS91762](#): Te whakapuaki whakaaro mō ngā haurahi e whakāturia ai te tuākiri ā-whenua (4wh)

Te Reo Rangatira

[PP 2.10 AS91786](#): Te wetewete i te kaupapa (3wh)

Te tā i tēnei mahere ako:

- [Maori Media Models \(ZIP 39KB\)](#)